



In restaurant cun ina cuschina excellenta è la Stiva Veglia, Schnaus, cun l'ospitant Tino Zimmermann.

FOTOS TH. GSTÖHL E MAD

In vair paradis per mangiabains

Il nov magazin per gourmets «Graubünden geht aus» è cumparì

DA GION NUTEGN STGIER / ANR

■ Tenor ils experts cun buccas e nas fins en l'Engiadina e la Surselva duas regiuns per mangiabains. Quai almain croda en ègl cun sfegliar en l'ediziuin 2013 da «Graubünden geht aus», il magazin che vul animar persunas dad ir ordaifer a mangiar. L'emna passada è vegnì preschentà a San Murezzan il nov magazin per gourmets «Graubünden geht aus 2013». Tscherni per quella vernissascha han ils editurs cun il «Dracula Club» in lieu nua ch'els giasts prominents da San Murezzan s'entaupan bunamain mintga di per lur partìs e lur festas. Da la partìda tar la preschentaziun dal nov magazin per persunas che mangian e baivan gugent bun e bain è danovamain stada ina societad illustra. Cumparida è gia la 5. ediziuin da «Graubünden geht aus» e Wolfram Meister, il redactor principal ed ils experts han visità radund 140 restaurants da Sedrun fin Müstair. A la fin han els fatg la schelta e tschernì quellas 111 bunas adressas che meritan grazia a la buna cuschina ed al bun servìs da cumparair en il magazin da quest onn. Gist 46 restaurants en vegnìds tiers da nov e da quels sa chattan tuttina 32 en regiuns rumantschas da noss chantun. Sin fundament da quai dastgain nus bunamain dir che nossas regiuns en in vair paradìs per mangiabains.

Da 111 bunas adressas gist 44 en l'Engiadina

In eldorado per persunas che mangian e baivan gugent e bain è anc adina l'Engiadina e cunzunt San Murezzan. Dals 111 restaurants che figureschan en l'ediziuin 2013 da «Graubünden geht aus» sa chattan 44 tranter Maloja e Scuol. Be a San Murezzan han ils experts cun buccas e nas fins scuvert 14 restaurants cun ina cuschina excellenta e particulara. Da Brail fin Maloja, exclus San Murezzan, han ils redactors da «Graubünden geht aus» valità positiv 22 restaurants ed en l'Engiadina Bassa en quai 8 bunas ustarias. Gist 13 restaurants cun ina buna cuschina han els chattà en Surselva, dentant che en Surses han els scuvert nagin bun restaurant ed en Val Alvra be trais bunas adressas per mangiabains. Tranter ils restaurants ch'èn da nov tranter ils megliers en per exempel il «Da Vittorio», «La Marmite» e «Salastrains», San Murezzan. In dals restaurants cun ina vista magnifica e cun ina buna cuschina han ils experts scuvert da nov ad Andiaast e quai è l'Ustaria Postigliun. Tenor els è il restaurant «Startgels» a Flem il terz meglier ch'els han chattà d'asper la pista.

«Zum Schmaus nach Schnaus»

Il top restaurant per gourmets è anc adina il «Schauenstein» a Farschno. Ils experts scrivan schizunt ch'Andreas Caminada saja en Svizra il Roger Federer da la gastronomia. Las megras ustarias dal vitg, quellas sa chattan dentant en Surselva tenor la pli nova ediziuin da «Graubünden geht aus». Dals tschintg megliers restaurants da quella categoria en gist quatter sursilvans. Be il La Riva a Lai, il restaurant preferì da Roger Federer, sa chatta sin il segund plaz en quella categoria. Anc avant in onn era tenor ils experts e mangiabains l'Ustaria Casa Alva, Trin, la megra en ils vitgs ed ussa da nov è quai la Stiva Veglia, Schnaus. Ils redactors scrivan che'ls sajan fascinads da la cuschina excellenta da Tino Zimmermann ed han tschernì il suandant titel per lur rapport: «Zum Schmaus nach Schnaus». Dal tutfatg ventiraivels sajan els betg mo stads dal vair «fiu artificial» da la cuschina, mabain er dal servìs scharmant. Dal reminent stat quel sut la reschia da l'ospitanta indigena Cornelia Auchter. Tut en tut saja en la Stiva Veglia mintga plat in pur deletg per bucca ed egl. Anc adina top adressas per mangiabains en en quella categoria il Mulina,

Laax-Murschetg, plaz 3, la Casa Alva, Trin, plaz 4 e la Casa Fausta Capaul, Breil, plaz 5.

Das giadas Engiadina

Avant in onn avevan ils experts cun buccas e nas fins scuvert da nov il restaurant Engiadina, Zuoz e dals 20 megliers restaurants dals vitgs era quel sin l'11. post. Da nov è quel il pli sum en la categoria dals restaurants cun ina buna cuschina taliana. Er da nov sin plaz 1 en la categoria buna cuschina e glieud gentila sa chatta il Engiadina, Scuol. Ils redactors scrivan che l'ustaria saja gia dapi onns in lieu d'inscunter e la cuschina saja classica, dentant preparada cun premura. Il facit da lur visita en quel restaurant saja che tut correspundia, scrivan ils redactors. Il top restaurant cun ina cuschina exquisita e cun vins exclusivs è da nov sin plaz 1 la stiva da schember «Arvenstübli» dal hotel «Waldhaus» a Segl. La stiva saja empernaivla, luxuriosa e la cuschina da Kurt Röögli saja simplamain fenomenala. Ils redactors scrivan lura er anc ch'il tschaler da l'hotel «Waldhaus» saja da classa internaziunala, puncto qualitat e quantidad cun stgars 35 000 buttiglias da vin e 500 sorts.

Categoria restaurants

Gourmets:
Bella vista:
Cuschina da chasa:
Frestgs e creativs:
Sper las pistas:
Talian:
Asiats:
Tradiziuin:
Vins exclusivs:
Dal vitg:
Empernaivels:
(* da nov sin plaz 1)

Num dal restaurant

Schaenstein, Farschno
Basilic, Cuira *
Kornplatz, Cuira *
Stars, Silvaplauna *
Kuhstall, Segl Maria
Engiadina, Zuoz *
Nobu Hotel Palace, San Murezzan *
Süsswinkel, Cuira
Arvenstübli, Hotel Waldhaus, Segl *
Stiva Veglia, Schnaus *
Engiadina, Scuol *



Er stads tranter ils gourmets ed ils mangiabains en Bernard Cathomas, l'antierur directur da RTR e sia donna Rita Cathomas.



Ils dus stars cuschiniers grischuns Jacky Donatz (san.) ed Andreas Caminada en er stads a la preschentaziun dal nov magazin «Graubünden geht aus».



L'ustiera da la Casa Fausta Capaul, Breil, Therese Arpagaus e l'ustier dal Postigliun, Andiaast, Guido Sgier.



In dals megliers restaurants dal Grischun sa chatta en l'hotel Waldhaus, Segl, in hotel cun ina gronda tradiziuin ed ina da las megras adressas en nosses chantuns.



Tenor ils experts dal magazin en ils capuns da Celina Sonder, da l'Ustaria Belavista, Stier-va ils megliers da l'entir Grischun. Qua l'ustiera cun ses um Romi Sonder.



L'editur, il schefredactor ed il moderatur che ha preschentà il magazin «Graubünden geht aus»: Ralph Lindenmann, Wolfram Meister e Rainer Maria Salzgeber (da san.).